

古

謠

諺

古諺卷五十八

秀水杜文瀾輯

時人爲陽城鄭鋼李周南語

唐國史補

卷上

陽城居夏縣拜諫議大夫鄭鋼居

閩鄉拜拾遺李周南居曲江拜校書郎時人以

爲

轉遠轉高轉近轉卑

長安爲朱清言

唐國史補

卷中

朱清賣藥於長安西市朝官出入

移貶清輒賣藥迎送之貧士請藥常多折券人
有急難傾財救之歲計所入利亦百倍長安言
人有義聲賣藥宋清

戶牖俗語

唐國史補卷中古之屋室中爲牖東爲戶故今語

曰

二十三日正南二十五日當戶

省下語

唐國史補卷下舊說吏部爲省眼禮部爲南省舍

人考功度支爲振行比部爲廊下食以飯從者

號比盤二十四曹呼左右司爲都公省下語曰

後行祠屯不博中行都門下行刑戶不博前行駕庫廣記

卷一百八十七下作中刑戶作禮部

全唐詩十二函入注云禮部一作刑部

御史臺爲院長語

唐國史補卷下御史故事監察院長與同院禮隔

語曰云凡上堂絕言笑有不可忍雜端大笑

則合座皆笑謂之烘堂烘堂不罰大夫中丞入

三院罰直盡放

事長如事端

諫院臺省語

唐國史補

卷下

每大朝會監察御史押班不足則

使下御史因朝奏者攝之諫院以章疏之故憂

患略同臺中則務苛禮省中多事旨趣不一故

言

遺補相惜御史相憎郎官相輕

峽路謠

唐國史補

卷下

凡東南郡邑無不通水故天下貨

利舟楫居多轉運使歲運米二百萬石輸關中

皆自通濟渠

自注卽汴河也

入河而至也江淮篙工不

能入黃河蜀之三峽河之三門南越之惡谿南康之贛石皆險絕之所自有本處人爲篙工大

抵峽路峻急故曰

云

四月五月爲尤險時故

曰灩澦大如馬瞿塘不可下灩澦大如牛瞿塘

不可留灩澦大如襍瞿塘不可觸

按此條已見峽程記係謠

詞則上條當亦是謠故錄入

朝發白帝暮徹江陵

江湖行船語

唐國史補

卷下

江湖語云

云

言大船不過八九

千石然則大厯貞元間有俞大娘航船最大居者養生送死嫁娶悉在其間開巷爲圃操駕之工數百南至江西北至淮南歲一往來其利甚博此則不啻載萬也

水不載萬

峽程舊語

唐國史補

卷下

近代杜邠公自西川除江陵五月

下峽官舟千艘不損一隻舊語曰二云此則邪
公之洪福自古未之有也

五月下峽死而不弔

時人爲兔褐語

唐國史補卷下宣州以兔毛爲褐亞於錦綺復有

染絲織者尤妙故時以爲二云也

兔褐真不如假

時人爲姜恪閻立本及學生令史語

大唐新語卷十一高宗朝姜恪以邊將立功爲

左相閻立本爲右相時以年饑放國子學生歸
又限令史通一經時人爲之語曰云以末伎
進身者可爲烟戒

左相宣威沙漠右相馳譽丹青三館學生放散五臺令
史明經

案舊唐書閻立德傳僅有千字文二句故置彼錄此
宋守敬引諺論仕宦

大唐新語

卷十二
勸勵類

宋守敬爲吏清白謹慎累遷

臺省終於絳州刺史其任龍門丞年已五十八

數年而登列嶽每謂寮曰公輩但守清白何憂

不遷諺

案諺本作俗據全唐詩十二函八改

云

余以爲仕宦

亦無休勢各宜勉之

雙陸無休勢

時人爲李義府張懷慶諺

大唐新語

卷十三 諧謔類

李義府嘗賦詩曰鏤月成歌

扇裁雲作舞衣自憐迴雪影好取洛川歸有棗

強尉張懷慶好偷名士文章乃爲詩曰生情鏤

月成歌扇出意裁雲作舞衣照鏡自憐迴雪影

時來好取洛川歸人謂之諺曰

案謂當作爲

活剝王昌齡生吞郭正一

洛人爲袁家樓謔

劉賓客嘉話錄逸文

據廣記卷二百五十一

唐汝南袁德

師故給事高之子嘗於東都買得婁師德故園

地起書樓洛人語曰

昔日婁師德園今乃袁德師樓

全唐詩十二函八無日字乃字

案說郭卷三十六列嘉話錄未載此條今據廣記錄

之

御史臺中爲巡推諺

因話錄

卷五

殿中侍御史新入知右巡已次知左

巡號兩巡使所主繁劇及遷向上則入推益爲

勞屑惟其中間則入清閑故臺中諺曰

云

云言

其暢適也

免巡未推只得自如

全唐詩十二
函八如作知

西鄙人爲哥舒翰歌

乾臆子逸文

據廣記卷四
百九十五

天寶中哥舒翰爲安

西節度控地數千里甚著威令故西鄙人歌之

曰

北斗七星高哥舒夜帶刀吐蕃總殺盡更築兩重濠

全唐

詩十一函下二句作至今窺牧馬不敢過臨洮

案說郛卷二十三列乾牒子未載此條今據廣記錄之

范攄引諺論著書

雲谿友議

自序

余少游秦吳楚宋每逢寒素之士

作清苦之吟或樽酒和酬稍蠲於遠思矣諺云

云

云野老之言聖人採擇孔子聚萬國風謠以

成其春秋也江海不卻細流故能爲之大因事
錄焉是曰雲谿友議

街談巷議倏有裨於王化

濠梁里人爲薛媛語

雲谿友議

卷一

濠梁人南楚材者旅游陳穎歲久

穎守將欲以子妻之楚材家有妻以受穎牧之
眷深而輒已諾之遂遣家僕歸取琴書等似無
返舊之心也其妻薛媛善書畫妙屬文知楚材
不念糟糠之情別倚絲蘿之託對鏡自圖其形

并詩四韻以寄之楚材得妻真及詩懷惡遠有
雋不疑之讓夫婦遂偕老焉里語曰

當時婦棄夫今日夫離婦若不逞丹青空房應獨守

全唐

詩十一函十夫棄婦作夫離婦原
本守作自不叶韻據全唐詩改正

鎮海軍道爲壯兒語

雲谿友議

卷一

李相公紳督大梁日聞鎮海軍進

健卒四人一曰富蒼龍二曰沈萬石三曰馮五

千四曰錢子濤悉能拔擲角觝之戲旣召至果

然趨勁翌日於毬場內犒勞以駕車老牛筋皮

爲炙狀瘤魁之鬣

自注魁酒罇也盛一斗二升多以栳槐榴爲之或銅鑄也

坐四輩於地茵大裨令食之萬石等三人視炙

堅龕莫敢就食獨五千瞋目張口兩手捧炙如

虎啖肉丞相曰真壯士也又令試觶戲蒼龍等

亦不利獨五千勝之十萬之衆爲之披靡於是

獨進五千蒼龍等退還本道語曰

云云也

壯兒過大梁如上龍門

舉場中爲鄉貢進士語

盧氏雜說逸文

據廣記卷一百八十一

文宗曾言進士之

盛時宰相對曰舉場中自云

云

上笑之曰亦

無奈何

鄉貢進士不博上州刺史

案說郛卷四十八列盧氏雜記未載此條今據廣記錄之

員莊里諺

樹萱錄員半干莊在焦戴川北枕白鹿原蓮塘竹徑醑醑架海棠洞會景堂花塢藥欄碾磨麻

稻壘塍鱗次

四字原本無據全唐詩十二函八補

里諺曰

上有天堂下有員莊

安定郡里諺

三水小牘

卷下

安定郡有峴陽峰峰上有池若雨

則雲起池中若車蓋然故其里諺曰

峴山張蓋雨滂沱

孔帖卷二沱作沛是也

洛中闔者聞五鳳樓中人歌

劇談錄

卷上

咸通四年洛中大水苑囿廬舍靡不

淹沒先是皇城闔者白晝聞五鳳樓中有人歌

云云

云

時鄭相國涯留守洛師聞之以爲妖妄

經月餘從事宴罷夜歸執燭者有火燼落騎從
纔過煙焰已高救之不及遂燒其半及療將興
穀洛先漲魏王與月波二堤俱壞乃明闇者之
言

天津橋畔火光起魏王堤上看洪水

全唐詩十二函八
洪作流 按流亦

可通作洪
者尤切

長安酒肆布衣吟

瀟湘錄逸文

據廣記卷
八十三

貞元末有布衣於長安

中游酒肆吟咏以求酒時當素秋風肅布衣忽

慨然而四望淚下沾襟一老叟怪而問之布衣
曰我來天地間一百三十之春秋也每見春日
煦春風和則不覺喜且樂及至此秋也未嘗不
傷而悲之也非悲秋也悲人之生也韶年卽宛
若春及老耄卽如秋因朗吟曰 云 老叟聞吟
是詩亦泣下沾襟布衣又吟曰 云 老叟乃歡
笑與布衣攜手同醉於肆後數日不知所在人
有於西蜀江邊見之者

陽和時節天地和萬物芳盛人如何素秋時節天地肅

榮秀叢林立衰促有同人世當少年壯心儀貌皆儼然
一旦形羸又髮白舊游空使淚連連

有形皆朽孰不知休吟春景與秋時爭如且醉長安酒
榮華零悴總奚爲

案說郛卷三十二列瀟湘錄未載此條今據廣記錄
之

時人爲進士語

唐摭言卷一唐太宗貞觀中私幸端門見進士綴

行而出喜曰天下英雄入吾彀中矣縉紳雖位

極人臣不由進士者終不爲美其艱難謂之云

云 其有老死於文場者亦無所恨時人語曰原本

作故有詩云今據潛
確類書卷五十改

三十老明經五十少進士

太宗皇帝眞長策賺得英雄盡白頭

元和時人爲進士榜語

唐摭言卷七元和十一年歲在丙申李涼公廣記卷一

百八十一涼
公作逢吉下三十三人皆取寒素時有語曰

原本語作詩
今據廣記改

古謠諺

卷五十八

曼陀羅華閣

元和天子丙申年三十三人同得仙袍似爛銀文似錦
相將白日上青天

選舉人爲崔慎由語

唐摭言

卷七

大中咸通中盛傳崔慎由相公嘗寓

尺題於知聞故選舉人爲語曰

此句原本作或曰今據全唐詩

十二函
八改

王凝裴瓚舍弟安潛朝中無呼字知聞廳裏絕脫鞞賓
客

科目舉人爲王崇寶賢語

唐摭言

卷七

太平王崇竇賢二家率以科目爲資

足以升沈後進故科目舉人相謂曰

未見王竇徒勞漫走

天下爲潘緯何涓語

唐摭言

卷十

何涓湘南人也業辭嘗爲瀟湘賦天

下傳寫少遊國學同時潘緯者以古鏡詩著名

天下傳之曰

此句原本作或曰今據全唐詩十二函入改

潘緯十年吟古鏡何涓一夜賦瀟湘

秦中芭蕉謠

玉堂閒話逸文

據廣記卷一百四十

天水之地土寒不產

芭蕉戎帥使人於興元求之植二本於亭臺間

每至入冬卽連土掘取之埋藏於地窟候春暖

卽再植之庚午辛未之間有童謠曰

云

而又

節氣變而不寒芭蕉於是花開士女來看者填

咽衢路尋則蜀人犯我封疆自爾年年一來不

失芭蕉開謝之候自隴之西竟爲蜀人所有暑

濕之候一如巴邛者蓋劔外節氣先布於秦城

童謠之言不可不察

花開來裏花謝來裏

全唐詩十二函
八下來字作也

王仁裕引諺

玉堂閒話逸文

據廣記卷一
百五十八

諺云

云

斯言雖

小亦不徒然常見前張賓客澄言頃任鎮州判官日部內有一民家婦貧且老平生未嘗獲一

完全衣或有哀其窮賤形體袒露遺一單衣其婦得之披展之際而未及體若有人自後掣之者舉手已不知衣所在此蓋爲鬼所奪也

一飲一啄繫之於分

河北爲葛從周諺

玉堂閒話逸文

據廣記卷一百七十七

梁葛侍中從周鎮

堯之日威名著於敵中河北諺曰

云云云

山東一條葛無事莫撩撥

案說郭卷四十八列玉堂閒話未載此三條今據廣
記錄之

孫光憲引諺論和疑

北夢瑣言

卷六

晉相和疑少年時好爲曲子詞布

於汴洛泊入相專託人收拾焚毀不暇然相國

厚重有德終爲豔詞玷之契丹入夷門號爲曲

子相公諺

諺字原本無據古諺間談卷三補

所謂

云

士君子

得不戒之乎

好事不出門惡事行千里

又引諺論譎戲

北夢瑣言

卷八

唐張禕侍郎有愛姬早逝悼念不

已因入朝未回其猶子右補闕曙乃製浣溪紗

置於几上大阮朝退忽睹此詩不覺哀慟乃曰

必是阿灰所作阿灰卽中諫小字也然於風教

還亦不可以其叔姪年顏相似恕之可耳諺曰

云

云諛戲固不免也

小舅小叔相追相逐

又引諺論乘船走馬

北夢瑣言

卷十

唐時杜彥林爲朝官一日馬驚蹶

倒踏鐙旣深抽腳不出爲馬拖行一步一踏以

至于卒古諺

諺字原本作人據古諺閒談卷三改云

云是知跨

御常宜介意也

乘船走馬去死一分

人爲李都崔雍孫瑄鄭峒語

北夢瑣言

卷十

唐自大中後進士尤盛先是李

都崔雍孫瑄鄭峒四君子蒙其盼睐者皆因進
昇故曰

欲得命通問瑄峒都雍

江陵人言

北夢瑣言逸文

據廣記卷二

百六十六

江陵在唐世號衣

冠藪澤人言

琵琶多於飯甑措大多於鯽魚

古謠諺卷五十八終

古謠諺卷五十九

秀水杜文瀾輯

洛陽爲張全義諺

洛陽搢紳舊聞記

卷二

齊王張令公諱全義在洛

四十餘年累官至太尉中書令王誠信每水旱
祈祭必具湯沐素食別寢精潔至祠祭所儼然
若對至尊容如不足晴旱祈禱未雨左右必曰
王可開塔卽無畏師塔也塔在龍門廣化寺王
卽依言而開塔拜訖王祝曰今少雨恐傷苗稼

和尚慈悲告佛降雨如是未嘗不澍雨故當時
俚諺曰

王禱雨買雨具無畏之神耶齊王之潔誠耶

好事者爲丁謂語

歸田錄

卷一

寇忠愍公準之貶也初以列卿知安

州旣而又貶衡州副使又貶道州別駕遂貶雷

州司戶時丁晉公與馮相拯在中書丁當秉筆

初欲貶崖州而丁忽自疑語馮曰崖州再涉鯨

波如何馮唯唯而已丁乃徐擬雷州及丁之貶

也馮遂擬崖州當時好事者相語曰云比丁

之南也寇復移道州寇聞丁當來遣人以蒸羊

逆於境上而收其童僕杜門不放出聞者多以

爲得體

若見雷州寇司戶人生何處不相逢

歐陽修引俚諺紀趙世長事

歸田錄卷二俚諺云云不知是何等語雖士大

夫亦往往道之天聖中有尙書郎趙世長者常
以滑稽自負其老也求爲西京留臺御史有輕

薄子送以詩云此回真是送燈臺世長深惡之
亦以不能酬酢爲恨其後竟卒於留臺也

趙老送燈臺一去更不來

京師爲三班羣牧語

歸田錄

卷二

三班院所謂使臣八千餘人蒞事於

外其罷而在院者常數百人每歲乾元節醪錢
飯僧進香合以祝聖壽謂之香錢判院官常利
其餘以爲餐錢羣牧司領內外坊監使副判官
比他司俸入最優又歲收糞壑錢頗多以充公

用故京師爲之語曰云也

三班喫香羣牧喫糞

朝中爲樞密使副語

歸田錄卷二國朝之制大宴樞密使副不坐侍立

殿上旣而退就御厨賜食與閣門引進四方館使列於廡下親王一人伴食每春秋賜衣門謝則與內諸司使副班於垂拱殿外廷中而中書則別班謝於門上故朝中爲之語曰

厨中賜食階下謝衣

時人爲盛度丁謂梅詢竇元賓語

歸田錄

卷二

盛文肅公豐肌大腹而眉目清秀丁

晉公疎瘦如削二公皆兩浙人也並以文辭知名於時梅學士詢在眞宗時已爲名臣至慶曆中爲翰林侍讀以卒性喜焚香其在官每晨將起視事必焚香兩鑪以公服罩之撮其袖以出坐定撒開兩袖郁然滿室濃香有竇元賓者五代漢宰相正固之孫也以名家子有文行爲館職而不喜修飾經時未嘗沐浴故時人爲之語

曰云也。涑水紀聞卷二梅侍讀詢與孫何盛度丁謂真宗時俱在清貫詢好潔衣服衰以龍麝其香數步襲人何性落拓衣服垢汗度體充壯居馬上前如仰後如俯謂吳人面如刻削時人爲之語曰云云。

盛肥丁瘦梅香竇臭

涑水紀聞作梅香孫臭盛肥丁瘦

咸平五年京師爲貢舉語

歸田錄

卷二

用錢之法自五代以來以七十七爲

百謂之省陌今市井交易又剋其五謂之依除咸平五年陳恕知貢舉選士最精所解七十二人王沂公會爲第一鄉試又落其半而及第者

三十八人沂公又爲第一故京師爲語曰

二云

二云

也是歲取人雖少得士最多

南省解一百依除殿前放五十省陌

長安人爲楊譚林特歌

涑水記聞

卷二

至道中國家征夏虜調發陝西芻

粟隨軍至靈武陝西騷動民皆逃匿賦役不肯

供給有詔督運者皆得便宜從事不牽常法吏

治率皆峻急而京兆府通判水部員外郎楊譚

大理寺丞林特尤甚長安人歌之曰

二云

二云長安

多大豪及有蔭戶尤不可號令有見任知某州妻清河縣君者不肯運糧譚鑠而杖之於是莫敢不趨令譚時令民每驢負若干每人擔若干仍齎糧若干官爲封之須出塞乃聽食嗟怨之聲滿道旣而京兆最爲先辦民無逃棄者諸州皆稽留不能比事畢人畜死者十八九由是人始復稱之二人以是得顯官譚終諫議大夫特至尙書三司使

楊譚見手先教鑠林特逢頭便索枷

京師爲程師孟張安國語

涑水記聞

卷十

諫議大夫程師孟嘗請於介甫

曰公文章命世師孟多幸生與公同時願得公
爲墓誌庶傳不朽惟公矜許介甫問先正何官
師孟曰非也師孟恐不得常侍左右欲豫求墓
誌俟死而刻之耳介甫雖笑許而心憐之及王
雱死有習學檢正張安國被髮藉草哭於柩前
曰公不幸未有子今聞夫人方有娠安國願死
托生爲公嗣京師爲之語曰

程師孟生求速死張安國死願托生

自注云蘇袞云

張安道引諺論人材

龍川別志

卷上

張公安道嘗爲子言國朝自眞宗

以前朝廷尊嚴天下私說不行好奇喜事之人不敢以事搖撼朝廷故天下之士知爲詩賦以取科第不知其他矣諺曰

云

云

既已官之不患其不知政也

水到魚行

京師爲宣醫勅葬家語

孔氏談苑

卷一

京師語

老學菴筆記卷九作都下諺

曰云

蓋

所遣醫官云某奉勅來須奏服藥加減次第往
往必令餌其藥至死而後已勅葬之家使副手
巾幌巾每人白羅三疋他物可知也

宣醫喪命

老學菴筆記及石林燕語卷五喪作納

勅葬破家

京城爲王雱侯叔獻語

孔氏談苑

卷一

王雱丞相舒公之子不慧有妻未

嘗接其舅姑憐而嫁之雱自若也侯叔獻再娶
而悍一旦叔獻卒朝廷慮其虐前夫之子有旨

出之不得爲侯氏妻時京城有語云

東軒筆錄卷七作京

師諺語

又云王雱爲太常寺太祝素有疾

娶同郡龐女爲妻逾年生一子雱以貌不類已百計欲殺之竟以恠死又與其妻日相鬪閨荆公念其婦無罪遂與擇壻而嫁之是時有工部員外侯叔獻者荆公之門人也娶魏氏女爲妻少悍叔獻死而幃簿不肅荆公奏逐魏氏婦歸本家東臯雜鈔卷二按史稱元澤未冠著書千百言作策三十餘篇極論天下事不類失心者其後病疽死魏泰所云恐未必然細味其眼兒媚所謂海棠未雨梨花先雪一半春休又云相思只在丁香枝上豆蔻梢頭意元澤或是病痿者不然人卽失心亦無遽嫁其婦之理荆公雖執拗當不至是

王太祝生前嫁婦侯兵部死後休妻

東軒筆錄及墨客揮犀卷三兵作工

孔平仲引江南京東九江民言五則論占候

孔氏談苑

卷二

江南民言

云

元豐四年正月九

江郡天無片雲風日明快是年果旱又曰

云

云

蓋芒種須晴明也

云

雨多也又於四月一日

至四月十一歲之豐凶云春雨甲子赤地千里

按此條已見朝野僉載

言旱也夏雨甲子乘船入市

按此條亦

見朝野僉載

言避水也

云

言踏車取水亦旱也

云

云言大熟也禪師惠言嘗言上元一夕晴麻小

熟兩夕晴麻中熟三夕晴麻大熟若陰雨麻不

登占亦如此云絕有效驗京東一講僧云

云

言雲向南與西行則有雨向北與東行則無雨

云亦有效驗大理少卿杜純云京東人言

云

言雨後朝晴尚有雨也須晚晴乃真晴耳九江

人畏下旬雨云雨不肯止劉師顏視月占旱云

月如懸弓少雨多風月如仰瓦不求自下

按此條已

見江隣
幾雜誌同州人謂雨沾足爲爛雨

正旦晴萬物皆不成

芒種雨百姓苦

一日雨百泉枯

李氏調元夏小正箋泉作草

二日雨傍山居

三

日雨騎木驢

四日雨餘有餘

雲向南雨覃覃雲向北老鶴尋河哭雲向西雨沒犁雲
向東塵埃沒老翁

朝霞不出門暮霞行千里

丹鉛雜錄卷八門作市是也通俗編卷十一述范成大

詩亦作市下二句云我豈知天道吳儂諺云爾

田家又云此皆言雨後乍晴之

霞若有火焰形而乾紅者非但主晴必主久旱之兆朝霞雨後乍有定雨無疑或是晴天隔夜雖無今朝忽有則要看顏色斷之乾紅主晴間有褐色主雨滿天謂之霞得過主晴霞不過主雨若西北有浮雲稍厚雨當立至

京師爲辛雍顧子敦語

孔氏談苑

卷二

元祐二年辛雍自光祿寺丞移太

常博士顧子敦自給事中除河朔漕付以治河

京師語曰

云

子敦好談兵人謂之顧將軍也

治禮已差辛博士修河仍用顧將軍

洛中地勢語

畫墁錄

卷一

洛中耆舊言伊洛水六十年一泛濫

爲害城下惟福善坡不及城外惟長夏門不及

洛中故有語云

云

平日但知以其形勢耳至

此乃知水讖不苟云

長夏門外有莊福善坡頭有宅

張方平引古諺

聞見近錄慶厯中韓范執政日務興作時章郇公爲相張文定因往見之語以近日諸公頗務興作如何郇公不答未幾三公悉罷文定嘗曰事不可競古諺曰云斯真有理當其盛衰之際不勞力而成不勞慮而敗理之常也

遲是疾疾是遲

皇祐中汾河謠

東齋紀事皇祐中汾河謠

云

狄青汾河人以

平儂智高功爲樞密使疾之者欲以謠言中傷之范鎮曰此唐太宗殺李君羨上安肯爲之

漢似胡兒胡似漢改頭換面總一般只在汾州洲子畔
浙西占年諺

後山談叢浙西地下積水故春夏厭雨諺曰

云

云浙東地高燥過雨卽乾故春得雨卽耕然常患少耳

夏旱修倉秋旱離鄉

潁人黃鶴諺

後山談叢潁諺曰

云

云夏中候黃鶴不鳴則蕎

麥可廣種也

黃鶴口噤蕎麥斗金

杏棗占年諺

後山談叢逸文

據蘇詩卷十
六馮注引

諺曰

杏熟當年麥棗熟當年禾

春風夏雨諺

後山談叢逸文

據通俗編卷一 諺云

二云

春之風數爲

夏之雨數小大緩急亦如之

行得春風有夏雨

陳師道引諺

後山談叢逸文

據通俗編卷十四

諺曰

田怕秋旱人怕老貧

熙寧中京師小兒易祈雨語

墨客揮犀

卷三

熙寧中京師久旱按古法令坊巷

各以大瓮貯水插柳枝泛蜴蜥使青衣小兒環

繞呼曰蜴蜥蜴蜥與雲吐霧降雨滂沱放汝歸
去開封府准堂劄責坊巷寺觀祈雨甚急而不
能盡得蜴蜥往往以蜴虎代之蜴虎入水卽死
無能神變者也小兒更其語曰

冤苦冤苦我是蜴虎似恁昏昏怎得甘雨

伊洛坊里諺

墨客揮犀

卷七

西洛有五相宅常有五相鄰居詩

賡相繼和乃文潞公富相王相二張相也伊洛
山水之秀土風之厚自昔卿相間出故諺云

吾鄉有宰相坊侍郎里

吏部舊語

南部新書

卷二

吏部故事放長名榜舊語曰

長名以前選人屬侍郎長名以後侍郎屬選人

時人爲省中諺

南部新書

卷四

省中司門都官屯田虞部主客皆

閒簡無事時諺曰

云

又角觝之戲有假作吏

部令史及虞部令史相見忽然俱倒悶絕良久

云冷熱相激

司門都官屯田水部入省不數

按都官屯田四字原本無今據合璧事類卷三

十一
補

時人爲韋承慶語

南部新書

卷五

韋承慶出相除禮部尚書嗣立入

拜鸞臺侍郎平章事時人語曰

大郎罷相小郎拜相

譚者稱崔沆崔濯語

南部新書

卷五

杜審權大中十二年知舉放盧處

權有戲之曰座主審權門生處權可謂權不失

權又乾符二年崔沆放崔濯譚者稱

座主門生沆濯一氣

全唐詩十二函八及事文類聚卷二十八氣作家

南中諺

南部新書

卷八

南中諺曰

云

卽婦人歲以截髮

而貨以爲常也

秋收稻夏收頭

哀家梨諺

南部新書

卷九

長安盛要哀家梨最爲清珍諺謂

云

今咸陽出水蜜梨尤佳鄠杜間亦有之父

老或謂是哀家種

愚者得哀家梨必蒸食

徐知諤引諺

玉壺清話

卷九李先主傳

梁王徐知諤溫之少子也平

日嘗謂所親曰諺謂

云

吾幼享富貴而復恣

肆一日之費敵世人一年之給或幸卒於七十之半已足矣果卒於三十五

人生百歲七十者稀

金陵漁者唱

玉壺清話

卷九李先主傳

先主昇揚行密育爲己子天

祐中童謠曰東海鯉魚飛上天

按此條已見五代史補

丁

酉十月受吳禪改年昇元以建康爲西都卽金陵使府爲宮先是數載前一漁者持簞笠編竿

擊短版唱漁家傲其舌爲鳴根之聲以參之自

號回同客

吳氏翌鳳校本作回回客

人復疑爲呂洞賓音清

悲如煙波間聽者無厭唱曰

云

人或與錢則

擺首不接唱於金陵凡半年了無悟者里巷村落皆歌焉土龍生甲果以甲辰歲二月殂於正

寢魚兒乃向所謂鯉魚也歌中之語皆驗焉

二月江南山水路李花零落春無主一箇魚兒無覓處

全五代詩卷三十九風兼雨土龍生甲歸天去

吳本土魚兒作鯉魚覓作着作壬

吳處厚引諺論相術

青箱雜記

卷四

荀子曰相形不如論心諺曰

二云

此言人以心相爲上也

有心無相相逐心生有相無心相隨心滅

趙尙書夫人引諺議婚

青箱雜記

卷四

龍圖劉公燧未第時娶趙尙書晁

之長女早亡而趙氏猶有二妹皆未適人既而
劉公登科晁已捐館夫人復欲妻之使媒婦通
意劉公不欲七姨爲匹意欲九姨議姻夫人詰
之曰諺云云劉郎纔及第豈得便簡點人家
女劉公曰非敢有擇但七姨骨相寒薄非某之
對九姨乃宜匹遂娶九姨後生七子皆至大官
七姨後適關生竟不第落泊寒餒暮年劉氏養
之終身

薄餅從上揭

王衍在蜀時童謠

青箱雜記

卷七

王衍在蜀時童謠

廿國春秋前蜀王宗弼傳作乾

德中童謠曰

云

其後衍兄宗弼果賣國歸唐而宗

弼乃王建養子本姓魏氏此其應也

我有一帖藥其名曰阿魏賣與十八子

光啟中福建童謠

青箱雜記

卷七

光啟中陳巖爲福建觀察使童謠

五國故事作讖辭

越備史卷一作僧記

吳曰云

云

其後王潮果代

巖而審知龔位乃其應也

潮水來山巖沒潮水去矢口出五國故事作巖高潮水沒潮退矢口出吳越

備史山巖

作巖頭

福建騎馬謠

青箱雜記卷七時又有謠五國故事作山曰云

蓋光啟丙午國亡之應也全唐詩十二函八王潮以光啟二年丙午

拜泉州刺史至晉開運三年丙午南唐滅王氏謠之驗也

騎馬來騎馬去

長沙羊馬童謠

青箱雜記卷七龐巨昭善星緯之學唐末爲容州

刺史惡劉隱殘虐乃歸長沙或問湖南與淮南

國祚短長巨昭曰吾入境以來聞童謠曰

云云

自今以後馬氏當五主楊氏當三主後皆如其

言

三羊五馬馬子離羣羊子無舍

唐末丹陽民戲語

青箱雜記

卷七

唐末丹陽民常戲語曰

云云

及後

錢鏐授鎮海軍節度浙江西道觀察處置使潤

州刺史遂據有錢塘乃其應也

吳越備史卷一景福二年九月

制授王鎮海節度浙江西道觀察處置等使潤
州刺史先是今年三月詔以鳳翔宿衛耀德都
頭李鋌授特進同平章事領浙西差朝廷以李
茂貞故將奪之權乃有此授而丹陽已爲淮海
人所有至是命王時議當之又周寶蒞丹陽州
人凡有期必曰待錢來斯之應也蜀禪月大師
休公嘗上詩曰今日再三
難更讓識辭唯道待錢來

待錢來待錢來

時人爲安肅廣信二軍語

東軒筆錄

卷一

虜犯澶淵傅潛堅壁不戰河北諸

郡城守者多爲蕃兵所陷或守城或棄城出奔
當是時魏能守安肅軍楊延朗守廣信軍乃世

所謂梁門遂城者也。一軍最切虜境而攻圍百戰不能下，以至賊退出界而延朗追躡轉戰未嘗敗。故時人目二軍爲二云也。蓋由二將善守也。

銅梁門鐵遂城

太祖引俗語

東軒筆錄

卷一

陶穀文翰爲一時冠，後爲宰相者

往往不由文翰而聞望皆出。穀下穀不平，乃俾其黨因事薦穀，以爲穀久在詞禁，宣力實多。太

祖笑曰頗聞翰林草制皆檢前人舊本改換詞
語乃俗所謂云爾何宣力之有穀聞之乃作
詩書於玉堂之壁云官職須從生處有才能不
管用時無堪笑翰林陶學士年年依樣畫葫蘆
太祖益薄其怨望決不用

依樣畫葫蘆

京師爲汴渠碓凌諺

東軒筆錄卷七汴渠舊例十月閉口則舟楫不行

王荆公當國欲通冬運遂不令閉口水旣淺澁

舟不可行而流冰頗損舟楫於是以腳船數十
前設巨碓以搗流冰而役夫苦寒死者甚衆京
師有諺語曰

昔有磨

原注去

磨

原注平

漿水今見碓搗冬凌

駢字類編卷二十六上磨

字下有法字
碓上有巨字

京師爲包拯宋祁諺

東軒筆錄

卷十

嘉祐中禁林諸公皆入兩府是時

包孝肅公拯爲三司使宋景文公守益州二公

風力久次最著人望而不見用京師諺語曰

云

云 明年包亦爲樞密副使而宋以翰林學士承旨召

撥隊爲參政成羣作副樞虧他包省主闕殺宋尙書

石中立引世語戲三禮生

東軒筆錄卷十禮部引舉人常在正月及試經

學已在二月中旬京師適洶渠矣舊省前乃大

渠有三禮生就試誤墜渠中舉體沾濕中春尙

寒晨興尤甚三禮者體不勝其苦遂於簾前白

知舉石內翰中立乞給少火炙乾衣服石公素

九

喜謔浪遽告曰不用多當自安同列訝而詰之

石曰何不聞世傳云乎

欲得安三禮莫教乾

古謠諺卷五十九終

古謠諺卷六十

秀水杜文瀾輯

唐時爲翰林諫議語

石林燕語

卷五

俗稱翰林學士爲坡諫議大夫亦

稱坡此乃出唐人之語諫議大夫班本在給舍

上其遷轉則諫議歲滿方遷給事中自給事中

遷舍人故當時語

事文類聚新集卷二十一引李氏談錄作朝中相謂

云

云

以諫議爲上坡故因以爲稱見李文正所

記

饒道斗上坡去亦須卻下坡來

青箱雜記作饒君上坡去却須下坡來 李氏

談錄道
作君

時人爲御史臺開封府語

石林燕語

卷十

熙寧以前臺官例少貶間有責補

外者多是平出未幾復召還故臺吏事去官每加謹爲其治行及區處家事無不盡力近歲臺官進退旣速貶責復還者無幾然吏習成風猶不敢懈開封官治事略如外州督察按舉必繩以法往往加以咎責故府官罷吏率掉臂不顧

至或欺侮之時稱

孝順御史臺忤逆開封府

葉夢得引俚語

避暑錄話

云

亦俚語言必無用也崇寧中間

改僧爲德士皆加冠巾蔡魯公不以爲然嘗爭
之不勝翌日有冠者數十人詣公謝旣未有髮
皆爲鬢髻以簪其冠公戲之曰今當遂梳篦乎

不覺烘堂大笑冠有墜地者

墨莊漫錄李邦直有與韓魏公書云

前書戲問玉梳金篦者侍白髮翁幾欲淡死矣
玉梳金篦邦直之侍姬也或問命名之意邦直

笑曰此俗
云云云耳

和尚置梳篋

葉夢得引世言

避暑錄話世言

云

云此語雖不可通行然疾無

甚苦與其爲庸醫妄投藥反敗之不得爲無益也吾閱是多矣其次有好服食不量已所宜但見他人得效從而試之亦或無益而反有害吾少不多服藥中歲以後或有勸之少留意者往既不耐煩過江後亦復難得藥材每記素問勞

佚有常飲食有節八言似勝服藥也

不服藥勝中醫

宋初州郡官吏語

曲洧舊聞卷二祖宗時州郡雖有公庫而皆畏清

議守廉儉非公會不敢過享至有二云之語

滅燭看家書

種桃種橘諺

曲洧舊聞卷三果中易生者莫如桃而結實遲者

莫如橘諺云二云蓋言桃可待橘不可待

頭有二毛好種桃立不踰膝好種橘

元符末都城童謠

附崇寧中賣酸餠者語

曲洧舊聞

卷八

晁之道嘗言蔡侍郎準少年時出

入常有二人見於馬前或肩輿之前若先驅或

前或却從者皆無所覩準甚懼謂有冤魂百方

禳禱皆不能遣既久亦不以爲事慶曆四年生

京而一人不見又二年生卞乃遂俱滅元符末

都城童謠有

二云

之語語多不能悉記而其末

章云

二云

至崇寧中賣酸餠者又有

二云

之語

其事皆驗而京於靖康初貶死於長沙豈潭州
海藏亦應於此耶然則準所見果爲蔡氏福耶
否耶

家中兩箇蘿蔔精 擔着潭州海藏神

一包菜

王黼當國時人語

曲洧舊聞卷十王將明當國時公然受賄賂賣官

鬻爵至有定價故當時爲之語曰宣和遺事卷下作京師謠

言古諺閒談卷四引中
興姓氏奸邪錄作京師語

古謠諺

卷六十

曼陀羅華閣

三千索直秘閣五百貫擢通判

宣和遺事中與姓氏奸邪錄作三百貫且通判

五百索

直秘閣

馬永卿引俗諺釋絢

嬾真子

卷三

俗諺云

云云

以諭小人之逐目前之

榮也然絢字當作綸太元經絡之次五日蜘蛛之務不如蠶一綸之利綸音七侯反與絢同音今以太元證之故絢當作綸

一絢絲能得幾時絡

履齋示見編卷二十三無絲字廣記卷一百八十八引國史異纂

張昌儀兄弟恃易之昌宗之寵所居奢溢逾於王者有人題其門日一兩絲能得幾時絡昌儀見之遂命筆續

其下曰一日卽
足未幾禍及

元豐末天下爲宣仁皇后語

聞見後錄

卷二

江贊讀端友書靖康元年月日諸

王府贊讀臣江端友昧死再拜上書皇帝陛下

臣伏觀宣仁聖烈皇后當元豐末垂簾聽政保

佑哲宗皇帝起司馬光爲宰相天下歸心焉九

年之間朝廷清明海內乂安人到於今稱之其

大公至正之道仁民愛物之心可以追配仁宗

至於力行祖宗故事抑絕外家私恩當是時者

老盛德之士田野至愚之人皆有云之語

復見女中堯舜

元祐初朝中語

聞見後錄卷二劉器之與東坡元祐初同朝東

坡勇於爲義或失之過則器之必約以典故東

坡至發怒曰何處把上原注云把去聲農人乘以事田之具曳得

一劉正言來知得許多典故或以告器之則曰

子瞻固所畏也若恃其才欲變亂典常則不可

又朝中有語云以二字各從虫也東坡在

廣坐作色曰書稱立賢無方何得乃爾器之曰
某初不聞其語然立賢無方須是賢者乃可若
中人以下多繫土地風俗安得不爲土習風移
東坡默然至元符末東坡器之各歸自嶺海相
遇於道始交驩器之語人云浮華豪習盡去非
昔日子瞻也東坡則云器之鐵石人也

閩蜀同風腹中有虫

襄陽人爲田衍魏泰李豸謠

墨莊漫錄卷二田衍魏泰居襄陽郡人畏其吻謠

日

云

未幾李豸方叔亦來郡居襄人憎之曰

云

云

襄陽二害田衍魏泰近日多磨又添一豸

歐陽修引俗諺論致仕

墨莊漫錄

卷三

歐陽文忠公與韓子華吳長文王

禹玉同直玉堂嘗約五十八即致仕子華書於

柱上其後過限七年方踐前志作詩寄子華曰

俗諺云

云

其詩曰人事從來無處定世塗多

故踐言難誰知潁水閒居士十頃西湖一釣竿

也賣弄得過裏

齊魯人霧淞諺

墨莊漫錄

卷四

東北冬月寒甚夜氣塞空如霧著

於林木疑結如珠玉旦起視之真薄雪也見

乃消釋齊魯人謂之霧淞諺

楊氏慎古音叢目卷一引曾鞏詩注

作齊人語升菴詩話卷十二引作山東民謠

云云

蓋歲穰之兆也

霧淞重霧淞窮漢置飯甕

蘇詩施注所引作霜淞打霧淞窮漢備飯甕

重作加置作買

古音獵要卷四重作如升菴詩話作霜淞打雪淞貧兒備飯甕

菴詩

話同

古謠彙

卷六十

曼陀羅華閣

李如箴引俗諺釋水火

東園叢說

卷下

天將雨必先蒸濕雲氣騰結而後

降雨又龍見而雨必旋至以雨主於龍乎則何待於蒸鬱而後作雨也又有薄雲而能作雨者且龍所取江河之水曾幾何而爲泛溢懷襄之患者何哉二者之說蓋無定論也俗諺有云

云

云此雖俗說細詳之亦甚有理夫天下之理不

能以無爲有有其本矣亦必有所待而後發見

夫木之爲性火實存焉然火無以自見人以一

灼之火而變之則木俱火也以至焚邱陵燎原
野無所不可者假人之力而致之也雲之爲氣
水實存焉然水亦無以自見可以爲霖霖而不
可致霧霏龍以一勺之水變之則雲俱水也以
至於漲江河盈澗谷亦無所不可者假龍之力
以致之也火木雲龍二者相待而成者也

人能變火龍能變水

浙東土人爲舟師語

雲麓漫鈔

卷三

自浙江東南溪行而溪水淺湍急

深五七寸行三五步一灘有擁起碎石或如堆
阜或如堤堰水勢噴激怒奔如瀑卽舟師足踏
檣竿手執篙仰臥空中摧舟忽翻身落舟上覆
面向水急撐謂束身擲篙舟師每呼諸人輒齊
聲和曰噉噉自處之青田至溫水旣湍急必欲
令舟屈曲蛇行以避石不然則碎溺爲害故土
人有云之語言寄命於舟師也厥惟難哉

紙船鐵梢工

費袞引俚語

梁溪漫志卷十俚語謂云此語固可鄙矣然盜

之姦詐實有出人意表者可誅也

盜雖小人智過君子

時人爲朱勔家奴諺

老學菴筆記卷一方臘破錢唐時朔日太守客次

有服金帶者數十人皆朱勔家奴也時諺曰

金腰帶銀腰帶趙家世界朱家壤

時人爲饒州朝士語

老學菴筆記卷一紹興末朝士多饒州人時人語

曰云時傳以爲笑

諸公皆不是癡漢

淮南雞鴨諺

老學菴筆記卷二淮南諺曰云驗之皆不然有

一媪曰雞寒上距鴨寒下嘴耳上距謂縮一足

下嘴謂藏其喙於翼間

雞寒上樹鴨寒下水

崇寧間諺

老學菴筆記卷二崇寧間初興學校州郡建學聚

學糧日不暇給士人入辟雍皆給券一日不可
緩緩則謂之害學政議罰不少貸已而置居養
院安濟坊漏澤園所費尤大朝廷課以爲殿最
往往竭州郡之力僅得枝梧諺曰云
云蓋軍糧
乏民力窮皆不問若安濟等有不及則被罪也
不養健兒卻養乞兒不管活人只管死尸

陸游引諺

老學菴筆記

卷四

諺有之曰

云

世不知爲何等

語嘗有人死見陰官濮州人也問以此亦不能

對子按此事見周世宗實錄顯德六年二月丁丑幸太清觀先是乾明外修太清觀成上聞濮州有大鐘聲聞十里乃命徙之以賜是觀至是往觀焉

濮州鐘

陝西人爲曲端吳玠語

老學菴筆記卷五曲端吳玠建炎間有重名於陝

西西人爲之語曰二云端能書今閬中錦屏山

壁間有其書奇偉可愛

有文有武是曲大有謀有勇是吳大

元豐時六曹語

老學菴筆記

卷六

自元豐官制尙書省後二十四

曹繁簡絕異在京師時有語曰

吏勲封考筆頭不倒戶度金倉日夜窮忙禮祠主膳不
識判硯兵職駕庫典了襍袴刑都比門總是冤魂工屯
虞水白日見鬼

南渡時六曹語

老學菴筆記

卷六

及大駕幸臨安喪亂之後士大

夫亡失告身批書者多又軍賞百倍平時賄賂
公行冒濫相乘饜軍日滋賦斂愈繁而刑獄亦
衆故吏戶刑三曹吏胥人人富饒諸曹寂寞彌
甚吏輩又爲之語曰

吏勲封考三婆兩嫂戶度金倉細酒肥羊禮祠主膳淡
喫齏麵

說郭本及委巷叢談金
川瑣記作啖齏吃麵

兵職駕庫齧薑呷醋刑

都比門人肉餽飽工屯虞水生身餓鬼

說郭本及委巷
叢談身作成

金川瑣記身
餓作成惡

宋初士子語

老學菴筆記

卷八

國初尙文選當時文人專意此

書故草必稱王孫梅必稱驛使月必稱望舒山水必稱清暉至慶厯後惡其陳腐諸作者始一洗之方其盛時士子至爲之語曰

文選爛秀才半

建炎後士子語

老學菴筆記

卷八

建炎以來尙蘇氏文章學者翕

然從之而蜀士尤盛亦有語曰

蘇文熟喫羊肉蘇文生喫菜羹

故都頭錢俗語

老學菴筆記

卷十

唐小說載李紆侍郎罵負販者

云頭錢價奴兵頭錢猶言一錢也故都俗語云

云

云亦此意云

千錢精神頭錢賣

古謠諺卷六十終